

# РУСКИ НОВИНИ

ЗА РУСИНОХ У КРАЛЬОВИНИ СХС

Рок III.

Нови Сад, пяток 9. јула 1926.

Число 83.

ВИХОДЗА раз. у тижњу.

Цена на цели рок 100 Динари.

На  $\frac{1}{2}$  рока 50 Динари.

За Америку 4 долари на рок

Рукописи и други писма треба послац на адресу:

„РУСКИ НОВИНИ“ НОВИ САД  
Бојовићева улица број 2.

Претплату на РУСКЕ - НАРОДНЕ ПРОСВИТНЕ ДРУЖТВО, РУСКИ КРСТУР (Бачка).

## Дзень нашей штампи

Талиянски списатељ Нитти добре гварел, же нешкайши европски мир ніч инше як предлужене войны але без дзелох и пушкох. И потрафел. Нешка ше вадзи война и далей у двох напрямох и на два способи. Ведзе ше борба зос побижденима, да ше од ніх цо вецей одбере и их цалком унічтожи и, але крем тей дипломатской борби ведзе ше ище ёдна друга борба духовна векша и страшнейша: борба медзи виру а безвирием, медзи християнством и модерним поганством. У тей посліднєй борби употреблю ше средства, горши и моцнейши як дзела и пушки, а то су безвирска и процихристиянска штампа, кнїжки и новини, котри тровя души людски, усадзую до шерцох нездзабалосц, и мержню на виру. Вони шею мержню и погубеносц, подкупую фундамент християнского живота и запрепасцю шицко цо добре, племените и святе. Таки кнїжки и новини часто розширую погубени людзе и медзи наш руски народ. Вони пишу, же заступую и браня худобных роботнікох проців бездушним вихасованьем богачох, же почитую кожду виру и нацию и т. д. А шицко то не правда. Таки новини и кнїжки маю едину ціль, да наведу читателя на презиране Бога, на мержню против Церкви, да облаца священікох и церковных поглаварох. Ёдним словом да забио у человека його вирске чувствоване. А чом то? Прето, бо вони добре знаю, же найтвардейши ослон поединого

народа ест його вира. Па кед виру вирвали, теди зос його народносцу фришко буде готови.

Цо мame робиц? Проци тому злу треба ше бориц ёднаким оружыем. Кажди Русин муши постановиц два ствари: же неда анї філер за безбожни кнїжки и новини, и же будзе помагац и ширыц лем християнску и свою руску штампу. Св. Отец Пий X. отворено гуторел: Задармо будзеце будовац церкви, тримац мисії, основац школи, шицки вашо добри дїла буду розвалены, шицка трудба надаремна, кед у істи час не будзеце мац и оружие католической штампи, зос котрим ше будзеце браніц.

Ми мame таке оружие у наших „Руских Новинох“, але то не досц. Мушиме буц ище моцнейши, да ше можеме одопрец шицкому злу, котре на нас навалюе. Борба вимага жертви. Таки дзень, на котри кажды Русин дужен принесц жертву на добру штампу ест празник св. апостолох Петра и Павла на 12 юла, котринай будзе и

## Дзень рускей штампи.

Браца! даруй ме цо вецей за нашу католическую и руску штампу. Безвирци даваю милийони на свою штампу, а ми дайме кельо хто може. И найменьши дарунок будзе од Бога благословени. Докажме, же розумиме дух времена, и же дзбаме сами за себе!

## У нашым отечеству

### ПОЛИТИЧЕСКЕ ПОЛОЖЕНИЕ

Вельки вакациі наступили и за народни посланикох у парламенту, прето и засидания парламенту оддалены до 15 септембра. За то време посланици посищую свойх приятельлох у народу а и сце ше достац довольно часу, да ше ситуация росчисти. Бешедуе ше и о тим, же Радич прерве коалицию зос Радикалами кед парламент не принесе закон о аграру за Далмацию.

### РАДИЧ ПОЧАЛ БЕШЕДОВАЦ

У Далмациі отринал С. Радич вецей зборох. Вельки збор бул у Макарскей. На нім нападовал и Пашича и нептунски конвенцы. Так вон гутори пред народом а його посланици гласаю шицко цо сце Пашич.

### РАДИКАЛИ ШЕ ПОБИЛИ МЕДЗИСОБОМ

У Београду ше повадзели мези собу радикали. Ёдни су за Пашича а други проці. В недзелю, кед отримовали збор пришло до битки, па мала и полиция роботи.

### ПОПЛАВА У БАРАНІ

Вода у Дунаю пребила бетонски насип при Тиквешу и виляла ше на державне добро Беле у широкосци 32.000 ютра. Ишче ше очекує ёдна велька габа, котра ма прийсц Дунайом, од котрой найбаржей грожи опасносц. Иншак вода при нас опадуе.

### ЙОГО ВЕЛ. КРАЛЬ И КРАЛІЦА ПРИ ПОПЛАВІ

Його Величанство Краль и Краліца неназдавано прішли на место мещесца од поплаві. Вони ше на своё очи ошведчели о велькай народнай нужди. Його Величества од Бездана аж до Нового Саду о-

билиши шицки места, котри пострадали. Медзи народом тово посищение остане незабуте, бо за каждого Краль и Краліца нашли слово потіхи и обецали свою помоц.

### КРЕВ У ЛЮБЛЯНИ

На Видовдан пришло у Любляни до битки медзи полицију и орюнашами па було и креви. Прето задана интерпелација на министра военого, хто дал орюнашом оружие.

### ЖЕРТВИ ЗБЕШНІСТИХ ПСОХ

До шпиталю у Загребу привезли дас 11 особи, котри настрадали од збешнєтих псах. У околини Огулина вецей таких псах ше зявело.

### УСЕЛЬОВАНЕ ДО АМЕРИКИ

Число тих, котри ше можу уселец до Америки остало непременёте. Од 1 юла може ше виселіц до зос нашей держави 671 особа.

### ДІДО ИДЗЕ ДО ШКОЛИ

У Дервенти у Босни положел тих дньох испити за 1 и 2 класу ёден дідо зос 61 роком. Вон до тे раз не знал читац а ні писац а тераз сце да зверши основну школу скорей як умре. — Красни приклад и нашим людзом.

### ВИСТИ О ЗДРАВЛЮ Н. ПАШИЧА

Док новини пишу, же здравле Н. Пашича барз подле, дотля службени круги заш демантую и гваря, же Пашич цалком здрави. Радич напроців явно приповеда, же Пашич на тельо хори, же а ні гуториц не може.

### ЧИСЛО ГИМНАЗИЙОХ ПРИ НАС

У нашей держави находило ше концом того школскога року 175 гимназийох и 83.559 школьнера.

Читайце „Руски Новини“

# До Чикага на Євхар. конгрес

## Лужицки Серби

Вредно будзе напомнуц да скельо слова и о тим красним славянским народу, котри през велью и превелью роки жив у морю Німецкого народа, а не дома.

Остатки того у прешлосци велького Славянского племена рострещени су од Драждянох аж до Берлина. Нешка їх ест ище около 200.000. У найвекших числах ведно жилю по островах рики Спреви. До 1925. року мали свой семинар у Праги. Але то ше не пачело ані Прашкей влади ані Німецкей и вони мушели тот семинар напущиц. С помоцу св. Отца основали нови семинар у Будишину, там збудовали владическу катедралу и с помоцу церкви и вири чуваю и свою народносц. Половина того славянского племена есть католіцкай вири, а друга половина протестанской вири. Народ випатра барз красни и нам барз симпатични по своей природи.

Не потребно окреме напоминац, як ту краине обробени кажди фалаток жеми, як ту красно и практично побудованы доми и господарски будови, як ту вшадзи и по валалах ні лем електрика окончую найчежши орботи, але вшеляки парни машини силую чешку жем, да їм доноши плод, гоч ше жем не може ані присподобиц з нашима жемама. Нац влак идзе 70 километери на годзину.

Прешла 9 годзина вечар и ми пришли до Липска. Ту найвекша штация на швейце. З яку пиху приповеда кажди остатні Німец, же ше на штаций у Липском находзи два тичячь пари шинох. Не будзем окреме споминац, цо ше у том месте находзи, кельо ше ту по-

## ФЕЛЬТОН

Іван Франко.

### Каменяр Евлогий

Можеш себе подумац, сину, як мнє хлібоко прорушело приповедане того простого, а так праведного каменяра. Кед сом пришол до свой келії почал сом ше модліц и посциц, благаюци Бога, же би вон дал тому чловекови вельки маєток, же би вон могол велью вецией добра твориц, як тераз у свойим худобству. Я себе приял, же ше не дорушим єздения, док Бог не виполнї мою молби. Посьцел сом цали три тижні и ище штвартого половку. Уз сом лежжал наштред пешчери ледво живи.. Кед ето привидзүе ми ше, же до моей пещери уходзи якишик поважни чловек зос чудно бліщацим ліцом и пита ме ше:

Цо тебе, отче Даниле?

штред Німечини видруковало елавянских книшкох. Бизовно не меней як у гочь котрим другим вельким славянским месту. Ноц була. Треба було мало одпочинуц, бо наша драга далека.

Рано 24. мая на 6:45 пришли зме на граніцу Голандії. Падал диждж и було барз хладно.

Сама Голандія самій писок, жем піска и подводна. Але людски розум знал и ту превелью зробиц, так же нешка тот край ма оздаль найлепши статок. Чим ше далей удалюєме од граніци, тим вецией видзиме, як цала Голандія канализована. На кажды 100 метри вельки на километры дlugоки канали, а крем тих безчислени мали, так, же гу граніци жемох творя канали. Медзи каналами луки и пасовиска. Прекрасны крави ледва ноша вимя. Приближуеме ше гу славному месту Утрехту, а потом гу Роттердаму. Цо зме бліжай гу морю, то красни луки и пашняки видзиме. Поля за жито, кукурицы, або други нашеня невидно. По луках прекрасны статок. Там вони водні без пастира. Трираз на дзень приходза газдове и доя крави на луках. Сир, масло и млечко розсилаю з Голандії на шицки страни швета.

Перша годзина пополадню и ми приходзиме до Роттердаму. Место ма вецией як пола мільона обивательох, а од тога єдна трецина католікох. Так у цалей Голандії лем єдна трецини католікох. Але то прави католіци, прави людзе, котри знаю, цо сцу и цо можу. Католіки маю у Амстердаму свой католіцкі университет, свой католіцкі гімназій и нізши школи. Ту держава дава отримоване ні лем за державны школи, але и за вириисповідни. Кажди може посіцаць школу, котру сам сце. Ту влада права

шлебода вири. А як гу тому пришли католіки! — Не ишло то так легко. Голандія була од 17. віка готово цала протестантска. Лем барз' мале число католікох. И вони през століття барз велью церпели од протестанской держави. Але чим их держава баржея пріцискала и векши им неправди робела, тим вони вецией робили: свойо дзеци до високих школах посылали, да себе приготую мудрих вождох; старали ше вихасновац поморскую тарговину и шицки домашні заняти; организовали ше у вшэліяких товариствах так церковных як и світских. По длагих прогонствах достали и католіки своїх перших послох до парламенту. Ту ше тераз започала оштра борба. Католіки выигралі побіду и нешка стой на чолу держави министр предсідатель католік із лем по кресціні писму, але по своїй роботі и по своим живоце. Кед чловек ступі до католіцкай церкви, вшадзи знаходзі найвекши шор и чистоту. При кожнодневных Службох Божих видзиме превельке число, котри приступаю до св. причастия; на першим месте мужове панове. А внедзелю и вошвете видзиш у церкви пристолу Господнім и самого міністра предсідателя, Його пратню, найвисших судийох, адвокатах, дохторах и зос шицких других класох народа. И ні треба ше потому чудовац, же Бог так поблагословел тот край, у котрим би нашо людзе ледви знали вижиц. — „Рука дающаго не оскудѣть“ гутори Святе Писмо. Католіки Голандії вед-

но з католиками Белгії превелью жертву за мисії медзи паганскими народами. Але послухайце читателі ище далей: док по других краіох нет досц священікох, нет досц богословів, нет досц добрих кандидатах на священічество, у Голандії не може владика ані тречину прияць од тих, котри не являю за священічество. А треба запаметац, же ту кажды родитель плаці за свого сына и на богословій и кажды то

трима за вельку чесць. А кед даедни родителі не можу плаці за свого сына у семинару,

а син ма тварду волю буц Божім священіком, плаці за його отримоване Його парохія,

або дзепоедни богатши фамилії. — Ту найвисши фамилії

тримаю себе за найвекшу чесць,

кед можу сына свого жертвовац Богу на службу як священіка або місіонара, а дзивку свою як сестру місіонарку.

Припомнам на приклад як ёдна з найдличнейших фамилійох у Роттердаму — по мену Перідон — Послала свого сына за богословія до нашей семінарії у Львову. Вони ше велью интересую за нас. Уж даскельо священікох зос чина св. Беннедикта и зос чина Откупителя по дозволено св. Отца преважали наш обряд, да нам буду на помоци. — Ту можу видзиц, цо може зробиц народ, у котрим живе католіцка вира. Метрополита Шептицкого ту шицки католіци познаю як и у Белгії, бо вон ту уж трираз служжел Службу Богу и тримал велью бешеди о восточнай церкви.

## ШИРОМ ШВЕТА

### Англія

#### БОЛЬШЕВІЦКА АГІТАЦІЯ

Англиканска влада выдала Сборник документох, котри ясно доказую, же у послідним

чиста як злато. Кед би ше ёй стала яка чкода, я будзем за ню отвітовац.

У тим часу шицко ше пред моіма очми пременело, бо я лежкал гладни у горучки. Мне ше видзело, же я лежким дзешка на широкай ровніні, а наоколо не-преглядни шори світлих воякох, а на штредку каменій бліщаци як слунко, а на тим камену шедзи дзецко з ліцом чудно мне познатим и мілим, а на його правим боку стой там-тот Евлогий. И посила дзешко гу мне єдного вояка з питанем:

Чи ше приобецуеш за Евлогия?

А шицки наоколо поведли:

Так, то вон.

Прегварело дзецко:

Паметай, од тебе го будзем питац.

А я одповед.

Так, Господи, дай му лем вельки достатки.

Теди два вояки приступеши гу Евлогию положили горезначки на жем, розвортели му перши и почали до ніх класц и сипац злато. Висипали ёдну громаду, веци другу, трецу и шицко ше то у його першых змесцело. Мне обнял страх и я ше пребудзел.

Прешло два мешаці. Ёдній недзелі модляци ше до вечара заспал сом у пещери и у сну сом заш видзел туту ровніну тих истых світлих воякох и исти тот ясни камень а на нем дзецко.

— Але дзе Евлогий? — думам себе, кед попатрим, а якишик два збойніки цагаю Евлогия до якешік препасци а дзецко на камену дармо за нім кричи: „Евлогий, Евлогий!.. Я ше ище баржея настрамашим як скорей пребудзим ше. У глави ми непрестано була дума. Цо ше стало з Евлогием. Мал сом теди досц готовых кошарох, веж-

ширя комунистични идеї. Цала английска явносць видзи ясно, же руским большевиком едини циль зваліц англійску державу з ёй моци. Англійска влада ище барже и неприятельно ше справу гу Русия.

## ЧЕХОСЛОВАКІЯ

### ЧЕЖКЕ ПОЛОЖЕНИЕ РУСИНОХ

Ужгородска новина „Свобода“ приношує вельо факти о велькай нужди, котра бие наших братох на Подкарпатох. Так ческа влада послала до Подкарпатох коло 40.000 ческих легіонарох (добровольцох), котри заняли шицки лепши места и роботу, а нашо людзе ніяк не можу найсць зарабку. Чески „Червени Крест“ дава помоц лем тим, котри гласовали за ческу аграрну партію. Исто так чески власци нбсцу видац нашим лудзом свидоцтва о гражданству и принадлежности, з яким би могли себе погледац индзей хлеба.

## Союз народох

### ВИСТУПИ ПРОЦІВ СОЮЗА

Шпански министар заграницніх ділох виявел, же Шпания виступи зос Союзу Народох, кед не достане у нім стаємне место. Министар гвари, же становице Бразилиї, котра тиж виступела нема ніякого впливу на Шпанию. Медзитим новини являю, же ше при Америцких державах основує една американо-шпанська група державах, котра би ішла проців нешкайшого Союза народох и проців Европи.

## Француска

### ЛІЧЕНЕ ФІНАНСІОХ

У новей францускай влади приял место министра фінансіох познати стручняк Кайо. Перши його крохай бул, же пременел шицких званичниках „Францускай народней банки“

нем іх на ладю и отпутуєм до Александриї, попредам, а врацаюци ше призем до того валалу, дзе жил Евлогий. Алё на вечар дармо сом го чекал над рику. Кед сом ше не могол дочекац пойдзем сам до валалу, просто до його хижі. Алё хижка стала пуста. Ледво нашол сом якушк сушеду, цо ми дала фалат хлеба и док я єдол, вона ми розповедла, цо ше стало з Евлогием.

О то бул добри чловек! — гуторела вона. — Зато му Бог дал щесце, викопал велькі пенежки, выбрал ше оталь и тераз у Царгороды. Хваря, же и самому цару жичи пенежки. Зробел ше вельким паном, жис у препишней палати — баш ю и волаю ёгипетска палата. Од нас дакотри ишли до нъго, думали, же ём поможе у іх худобству — алё дзе! Алё іх пред себе не припущел, розка-

бо гварел Кайо, „вони ше ве-  
цей старали за себе як за державу“. Кайо найсце винашол праву хороту и прави лік.

## Шпания

### АТЕНТАТ НА КРАЛЯ

З нагоди побиди над Мароканцами, отрима ше торжество у Паризу, у котрим би учасцівали шпански трупа и сам краль. Поліція одкрила цалу организацию анархистох, котры требали теди забиц шпаньольскаго краля. Дац 10 сумнівных анархистох вигнаго зос Париза и зос Францускай.

## Булгарска

### ПОМИЛОВАНЕ РАДОСЛАВОВА

Вельо булгарских посланикох предложело парламенту у Софії, да ше бывши председатель Радославов, котри найвецей завинял войну зос Сербами р. 1915, помилуе, па да ше може вратиц дома.

## Русия

### ВИШЛЕБОДЗЕНЕ ФЬОДОРОВА

Зос помоцу св. Оца Папи пошло за руку вишелбодзіц зос цемніци нашого священика и администратора шицких греко-католикох у Русії О. Фьодорова. Допущено му, да може окончоац свой священическі обовязкі.

## ЗОС Р. Н. П. Д.

Пані Олга Надь ступела до просвітнаго Друштва як члан II. кл.

зал, да іх виженю. Постал страшно пишни. А чкода, бо бул добри чловек.

Кед сом то чул, одревенел сом ше од страху. И лем ёдно ми було ясно: ані минути не шлем чекац, але такай мушым ратовац Евлогиеву душу, бо його препасц — то и моя препасц. Не надумуціо ше длugo, шеднем на ладю, вратим ше до Александриї, а отамаль отптуем до Царгороду. Там ми такай указали ёгипетску палату. Я пошол до ней и, станул сом при дзверах и чекац, док не вийдзе Евлогий. И ето вон ше указал у пишних шматох, окружені зос слугами. Чим сом го обачел такай сом здалека закричал:

Пане, вислушай мнє: Сцем з тобу бешедовац.

Але вон ше ані не оглянул на тот бок; а кед я не преставал волац, скричали на мнє слуги:

## ЗОС НАШІХ ВАЛАЛОХ

### Руски-Керестур

У дому мл. Михаила Шимко, — Земальска Кредитна Банка Д. Д. отворела филиалу. Дава на пожичку и прима на улози велькі и мали суми. Купуе и предава цудзи пеннеж, словом заніма ше зос шицкими послами, зос хторима ше занимаю в опще пеннежни заводи, банки.

## Коцур

Церковни одбор, котри не опуши ані ёден рок, же би з дацім не обновел и преукрашел Церкву и церковни здания — так и тога року обновиц дал шицку церкву воднuka. Коцурска церква є една од найкрасших наших церквох у

циалим владичеству нашим. Прето чесць наі будзе и похвала нашим братом коцурцом, котри и далей любя „благоліпіе“ дому Божого!

### † ПЕТРО ОЛЕАР

1. VII. т. р. поховали зме нашого доброго и младого Петра Олеара, сына Дюри Олеара, котри гоч лем почал жиц — бо лем 22 роки мал, — алё вельо надії давал своєй фамилії, тваришом, своєму общству и цалому рускому народови. Вон бул вредни член нашого РНПД-а, дописовал у наших Р. Новинох и Календару. Прето у жалосци зармущених родичох, жени и дзецеох шицки участвуем. Вичная му память!

## ВШЕЛІЯЧИНА

### ОКУЛЯРИ ПРИНОШУЮЩЕСЦЕ

Китайци веря же окуляри не лем добри за очи, але и приношу щесце. Бо, гуторя вони, окуляри чуваю людох од злих духох, и прето Китайци скло на окулярох обкладаю зос косцамі їх „святых“ животинъох. Китаец, кед сце дакога привитац и указац чесць, теди зніма окуляри.

### ЛІК ЗА ЩЕСЦЕ

Кажды дзень вежні:  
1 грам сцерпезлівосци  
1 грам приданосци на Бога  
1 грам роботносци  
3 грами молитви  
Шицко тото помишай и до

того усип любов гу Богу, па кажду годзину випій зос того щешлівого ліка.

### НАЙГЛІБША КОПАЛЬНЯ ЗЛАТА

У Бразилиї находзи ше найглібша копалня злата, котра глібоко у жемі 2260 метери. У тей глубини така горучава, же ше муши воздух уметно вихладзовац.

### ЗМЕНЬШАНЕ ЦЕМНІЦОХ

У последніх 12 роках зменьшало ше число злодіох у Енглескай за половину так, же Енглези заварли половку цемніцох. Одвойни претворели 25 цемніцох на хасновити за-

Врац ми Евлогиеву душу!  
Ти ши ше за ю приобецдал.

На остатку уж витрапени до края почал сом мадліц Бога, же би знял зо мнє прияток, яки сом у своім слабім розуме прятал на себе, але во шнє сом заш чул глас дзецка:

Роб цо сцеш, а мнє дай Евлогиеву душу.

Одлучел сом, же ище раз будзем пробовац щесце, але тот раз Евлогиеву слуги так ме побили, же сом обляти з креву замлел. Кед сом пришол гу себе одцагнем ше якошик на ладю и одлучел сом цалком огабиц живот у пустині, и пойсц до швета, бо моя душа и так препаднє. Заплацім за ладю до Александриї и на ладі такой легнем и зашпим. Ту заш во шнє обачим чудне дзецко, але його глас не бул таки страшни, як скорей.

ведения бо нет злодіох. А у нас треба нови будовац.

#### СМЕРТ НА ГРАНІЦОХ

Еден немецки турист Мілер зобдал ше и пошол на високи берг на Граніці Ческо-Немецькій. Там на верху вистал замра и умар. З главу бул на Ческій страні а зос другим целом на Немецкій. Кед члопека требало поховац. Чехи небали допущене, бо гварели, же веќшина цела лежи на Немецкій жемі, а немец заш не сцели дац дозволу, бо гварелі. же глава главна часц цела а вона лежи на ческій страні и так члопек лежал док ше уж не почал роспадовац. Родзина поїздного ледва вимолела допущене од обидвох державох, же го шме поховац.

#### СПЕЦІЯЛИСТ ОД ВОДИ

У Парижу живе члопек, котрише заніма лем зос "коштовацем" води. Його смак до води так виробени, же вон дораз на кеди положи воду на язык позна з котрого краю вода, яки ростопинише у ней находза и у якей міри.

#### "КОШУЛЬОВО ДРЕВО"

У Бразилиї рошиє древо, котре ма таку мегку скору, же дзвіни Индіяне туту скору з юного змагаю и облекаю як кошулю. Древо рошиє у високосци дас 50 шухи. Гваря, же тата древена кошуля ма таке свойство, же не препуштує диждж.

#### 1000 РОЧНИ ПАРЛАМЕНТ

На острову Исландії постої найстарши на швеце парламент. У року 1930 будзе славиц 1000 роочніцу.

#### ВЕЛЬКА РОДЗИНА

У Львови умарла єдна жідовка у 102 року живота. Вона мала 10 дзеци, 40 унукох и 60 праунукох.

А цо же Даниле? — пре-гварело дзецко, — тераз видзиш, як шише нерозумно приобещал за Евлогія.

Видзим, Господи, и горко оплакуєм свой нерозум.

Зато знай: нігда ше не бер до роботи понад свойо сили.

Нігда таке цо вецей не зробим, — прегварел я.

Но та вец идз назад до своєї пещери и будз мирни. Знесь з тебе твою обечунку. А за Европія ше небой, я го обрацім так, як сам знам.

Я ше пребудзел чудно покриплени и весели, врацел сом ше тадзи, жил сом ту штерацец роки и нігдзе сом не виходзел. Аж у тих дньох нащивел сом заш Александрию, а кед сом врацаюци ше назад обачел там древа над Нілом; спомнул сом ше на Евлогія. Сам знаш, цо було далей, як ше ми зоз нім штретли, як нас вон приял и пого-

#### СМЯДНА ЖЕНА

Американски новини пишу, же у варону Крестол жена Нела Ленгло у 20 дньох випила 268 фляшок пива и 12 фляшох паленки.

#### И КРАЛЬОВИ ОДБЕРАЮ ПЛАЦУ

Румунському наслідникови престолу Каролови одброва держава плацу у суми 60.000 долари и дала ю його жени Хелени, котру вон зогабел.

## Шветочни отпочивок

#### Недзеля 3 по Сош.

Рече Господь: свѣтильникъ тѣлу есть око: аще убо будеть око твоє просто, все тѣло твоє свѣтло будеть: аще ли око твоє лукаво будеть, все тѣло твоє темно будеть, аще убо свѣтъ иже въ тебѣ тьма есть, то тьма кольми. Никто же можетъ дѣлать го-сподинома работати: или бо єдинаго возлюбитъ, а другого возненавидитъ: или єдинаго удержится, о другъмъ же нерадѣти начнетъ: не можете Богу работати и мамонъ. Сего ради глаголю вамъ: не пецытеся душою вашою, что ясте, или что пїєте: ни тѣломъ вашимъ, во что облечетеся: не душа ли больша ест пищи, и тѣло одежды, Воззрите на птицы небеснія, яко не сѣютъ, ни жнутъ, ни собираютъ въ житницы, и отецъ вашъ небесный питаетъ ихъ: не вы ли паче лучши ихъ есте. Кто же от васъ пекійся, можетъ приложити возрасту своему лакотъ єдинъ. И о одаждѣ что пекитеся: смотрите кріны сельнія, како растуть: не труждаются, ни прядутъ. Глаголю же вамъ, яко ни

Соломонъ во всей славѣ своей облечеся, яко єдин от сихъ. Аще же сѣно сельное днесь суще, и утрѣ въ пещѣ вметаемо, Богъ тако одѣваєт, не много ли паче вастъ маловѣри.

Не пецытеся убо, глаголюще: что ямы, или что пїемъ, или чимъ одеждемсѧ; Всѣхъ бо сихъ языци ищутъ вѣстъ бо Отецъ вашъ небесный, яко требуете сихъ всѣхъ. Ищите же прежде царствія Божія и правды его, и сія вся приложатся вамъ.

Исус пришол на тот швет пре нашо вичне спасене, да нам отвори дзвери царства и драгу приготови до ньго. Прето нас и научовал, же да ше старавме за тuto вичне спасене найбажей цо лем можем.

Гварел нам, же лепше стражи ноги, руки, око, цали швет, па и сам живот земски, як утрациц царство небесне. Тото шицко преходне, а царство вичне.

Но, по при тей главней правди, пре котру пришол Исус на тот швет, осталар ше вон иза нашо дочасне щесце.

Вон нам обецац, же кед ше будземе старац за нашо спасене, так як треба, теди нам гевто шицко, цо нам потребне за нашо дочасне щесце-ДОДА.

Так робел Бог, а так роби и нешка. Цо людзе лепши, бо-

щели єден другого, док на концу Евлогій на тельо пришол гу себе, же би могол розповесц конец своєї пригоди: „Кед сом нашол вельки пенёжи, постал сом вельки пан и министер у цара Юстина. Я ні о чим не думал, лем о тим, як да згарнем цо вецей маєтку. Не чудо, же ме вец фришко шицки людзе замежели пре скупосц. Але нагло умар цар Юстин, а його наслідник да призначиц народ гу себе, росказал найперше забиц трох министрох цара Юстина, медзи німа и мнє а іх маєткі вжац за державу. Двох моїх пайташох забили, а я ше длugo скривал по валалах, вец сом пришол до Єгипту и баш по року врацел сом ше назад до того валалу. Як осудзены на шмерц у Царгороду не шмел сом ше признац, же я tot исти Евлогій и я гришни циганел шицким людзом,

гобойнейши, то им лепше, краше, лежчайше жиц на тим швеце. Цо горши, то их веќши кари бию.

Кед швет приял од апостолах Христову правду и обрацел ше на виру християнку, теди Бог ошлебодзел людох и вельих нуждох, у котрих шевони, находзели. Мати Церкви у мену Исусовим коренела зло и нужду тим, же найстрогие поступела против крадби, убийства, пиянства блада, врачарства и шицких вельких грихох, цо су пручина нѣщесца медзи людзами. Тим помогла швету.

Церква ушорела фамелию тим, же заведла единство брака, же врацела мацери, жени чесц, котра у погаству була зос шицким уничтожена. Церква очувала неразришимосц брака, и так зачувала дзеци и жени од рабства и ганьби.

Христова церква помогла людзом у тим, же зотарла рабство. Стара просвіта темелела ше на рабству: єдни мушели робиц за дармо найчежи роботи без даяких правох на граждански живот, а други лем уживали плод цудзей муки и розкошовали.

Церква Христова заведла медзи людох милосердие гу бидним, гу хорим, гу неуким.

Перши школи, перши шпиталі, перши убожники подзвігла Церква Христова. Вона их и нешка отримує. Церква Христова розширила медзи людзи знаносц и уметносц и так заведла на швет праву християнску просвіту. Просвіта и треба да водзя людзох гу Богу, бо хора одводзі, то не просвіта, цо є на хасен народу, але спрэвощка, хтора ноши за собу преклятство.

Тримайме ше у шицким правди Христовей, та нам Бог подарув и други земски блага, цо потребни за наш живот и за нашу радосц.

М. Мудры.

же сом нігда не бул у Царгороду, але сом тото време пребул у Єрусалиму. Я ше влапел заш свого старого ремесла, гоч як ми то з початку було чежко. Але помали врацела ше моя сила и дзека, я почал стари живот и як видзиш, отче, жиєм так аж до тераз. Цала история зоз моїм богаством и царгородским паньством привидзіе ми ше дакеди як яки бридки сон и лем тэраз по твоему приповеданю видзим, яку вельку спокусу Бог на мене припущел.

Так приповедал старец Даніло свойому ученикови, цо глібоко зворушени слухал його приповедане. Виполнуючи волю старца вон не гуторел о тим нікому док Даніло не умар. Аж по його шмерци розповед вон шицко пустиню жительном, цо ше зишли на погреб, а вец списал цалу историю на память потомкам. -ак.